



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitvlaria Regvm Francorvm

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

CLXI. Excerpta ex veteri codice MS. bibliothecae regiae in quo continetur  
Formularium poenitentiariae correctum & reformatum de speciali  
mandato Domini Benedicti Papae XII. Hic est enim libri ...

**urn:nbn:de:hbz:466:1-22974**

## CLXI.

*Excerpta ex veteri codice M.S. bibliotheca regie in quo continetur Formularium pœnitentiariæ correctum & reformatum de speciali mandato Domini Benedicti Papæ XII. Hic est enim libri titulus.*

*De muliere petente sibi mitigari rigorem pœnitentiæ.*

**E**piscono. M. latix præsentium lacrymabili insinuatione monstravit quod Officialis vester olim pro lubricitatis reatu quem misera fragilitate commisit, inter alias disciplinæ asperitates mandavit eidem ut quadraginta diebus per communia fora vestræ diocesis nudo corpore ab usque ad umbilicum incedens, cedulam sui delicti conscriptam deferret in capite manifeste. Quare supplicavit humiliter sibi per sedem apostolicam salubriter rigorem huiusmodi mitigari. Quia sic debemus decenti animadversione corrigere delinquentes publicè non debeat exponere sed potiùs occultare, auctoritate &c. committimus quatenus consideratis laboribus & expensis quas dicta mulier sustulit vel sustinuit vel subiit propter hoc ad sedem apostolicam veniendo, temperetis dictam pœnitentiã circa ipsam, prout secundùm Deum &c.

*De servo ordinato.*

Abbari. Fratris G. tui monasterij monachi nobis oblata petitio continebat quod cum olim . . . Episcopus in sua celebratione ordinum generali excommunicationis protulisset edictum ne quis servilis conditionis existens, de uxore tamen ancilla natus, post huiusmodi excommunicationis sententiam ignorante domino suo ab eodem Episcopo non suo per simplicitatem & juris ignorantiam ordinem subdiaconatus, aliàs tamen rite, recepit, & postmodum habitu religionis assumpto, & alitè observantiæ regulari, ad ordines superiores accessit, & ministravit in ipsis absolutionis beneficio non obtento. super quibus supplicavit humiliter sibi sedis apostolicæ misericordia subveniri. Quia verò digna est favoris prosecutione religio, auctoritate &c. committimus quatenus si præfatus monachus non fuit post religionis ingressum à suo domino requisitus, si scivit eum ex taciturnitate consensisse possit præsumi, eo à dicta sententia absoluto, & in iuncta inde ei pœnitentiã salutari, eoque ad tempus, prout videritis expedire, à suorum ordinum exe-

cutione suspenso, demum si sibi merita suffragentur, aliudque canonicum non obstat, ad dispensationis gratiam admittatis eundem.

*De eodem pro ordinato.*

Episcopo. I. Presbyter vestræ diocesis &c. quod cum ipse olim servilis conditionis existere, titulum nullum habens, tanquam simplex & juris ignarus, à prædecessore vestro, domino suo sciente & non contradicente, ordinem subdiaconatus, furtivè tamen, suscepit, & in ipso publicè diutius ministravit, & processu temporis ad superiores processit. Et licet comminatio sub pœna excommunicationis facta fuerit per dictum prædecessorem ne aliquis servilis conditionis existens, & sufficientem titulum non habens, ad ordines accipiendos accederet, non tamen excommunicationis sententia lata fuit. Super quibus &c. Nos autem &c. committimus quatenus si prædictis veritas suffragatur, & aliàs dictos ordines rite recepit, in iuncta sibi absolutione prævia ob excessum huiusmodi pœnitentiã salutari, eoque ad tempus &c. usque dispensetis.

*De promotio à pseudoepiscopo.*

Episcopo. Sua nobis &c. quod cum olim quidam iniquitatis filius in regno Alamanniæ pervagando & tam falsè quam præsumptuosè sibi auctoritatem & officium Pontificis assumendo, cum in veritate, prout ex posteriori plenius est perceptum, quampluribus Clericis ordines de facto contulit, cum de jure non posset, in suæ salutis dispendium & ecclesiasticæ disciplinæ contemptum, ac subsequenter in scandalum plurimorum, idem . . . communi errore seductus subdiaconatus & diaconatus, ut ne dicamus ordines, sed nec umbram, ab ipso recepit, & ministravit in ipsis quousque per aliorum doctrinam erroris huius notitiam apprehendit, super quibus apostolicæ sedis clementiam humiliter imploravit. Verùm quia nec conferre ordinem nec ordinis characterem potuit qui pontificali officio minimè fungebatur, auctoritate &c. committimus quatenus si est ita. Si verò veritatur in dubium, omnino dicatur sic: committimus quat. super hoc inquisita diligentius veritate, si vobis constiterit verum & catholicum fuisse Episcopum, in suo ordine dimitatis. Si verò veritas haberi non possit, & non vertatur in dubium, conferatis ei per vos vel per alium ordinem supradictum eo modo quo in dubiis debet conferri secundùm canonicam instituta. Postquam præfatus . . . ordines ab eo qui legitime conferre poterit & debeat rite receperit, in iuncta inde sibi absolutione prævia pœnitentiã salutari, super irregularitate inde contracta cum ipso misericorditer dispensetis.

